



Bosnia and Herzegovina
Federation of Bosnia and Herzegovina

CANTON SARAJEVO
Ministry for Education

Broj: 01-03/02-04-25258-219/21
Sarajevo, 01.9.2021. godine

SKUPŠTINA KANTONA SARAJEVO
n/r Okerić Elvedina, predsjedavajućeg Skupštine Kantona Sarajevo

PREDMET: Odgovor na zastupničku inicijativu, dostavlja se

Cijenjeni,

Zastupnica u Skupštini Kantona Sarajevo Vildana Bešlija je na 40. Radnoj sjednici Skupštine Kantona Sarajevo održanoj dana 09.8.2021. godine, u okviru tačke Dnevnog reda „Poslanička/zastupnička pitanja, inicijative i odgovori“, a u skladu sa članom 213. stav 1. Poslovnika Skupštine Kantona Sarajevo („Službene novine Kantona Sarajevo“ - Drugi novi prečišćeni tekst – broj: 41/12, 15/13, 47/13, 47/15, 48/16, 9/20 i 14/20), pokrenula **zastupničku inicijativu:**

„Upućujem inicijativu o zauzetosti kapaciteta privatnih vrtića, sa ciljem da se subvencionira boravak što većeg broja djece u vrtićima kako bi u budućnosti došli do cilja da se subvencionira boravak sve djece u Kantonu Sarajevo. S tim u vezi, molim da se dostave slijedeći podaci:

- *Koliko roditelja plaća punu cijenu?*
- *Također, iniciram da se uradi online formular za prijavu putem kojeg će roditelji moći izvršiti prijavu u predškolsku ustanovu.“*

Odgovor:

Cijenjena,

u svrhu što većeg obuhvata djece predškolskim odgojem i obrazovanjem, Vlada Kantona Sarajevo je donijela Odluku o sufinansiranju boravka djece u predškolskim ustanovama na području Kantona Sarajevo sa Liste čekanja JU „Djeca Sarajeva“ za školsku 2021/2022. godinu broj: 02-04-29297-17/21 („Službene novine Kantona Sarajevo, broj: 32/21).

Ministarstvo za odgoj i obrazovanje Kantona Sarajevo je dana 04.8.2021. godine objavilo Javni poziv za prijavu privatnih predškolskih ustanova za prijem djece sa Liste čekanja JU „Djeca Sarajeva“, broj: 02-01-490/21 koji je trajao do 11.8.2021. godine. Nakon pregleda blagovremeno pristiglih prijava Ministarstvo je 16.8.2021. godine objavilo Odluku o izboru predškolskih ustanova koje ispunjavaju uslove za prijem djece sa Liste čekanja.

Dana 12.8.2021. godine, Ministarstvo je objavilo Javni poziv roditeljima za prijavu djece u privatne predškolske ustanove koje su se prijavile na Javni poziv i koje su ispunjavale uslove Javnog poziva. Pravo prijave na poziv imali su roditelji/staratelji djece koja se nalaze na Listi čekanja JU „Djeca Sarajeva“, broj 02-01-490/21, od 4.8.2021.godine uzrasta od šest mjeseci do



polaska u školu. Prijava se podnosila putem prijavnog obrasca koji se mogao preuzeti u predškolskoj ustanovi sa Spiska privatnih predškolskih ustanova koji je objavljen 16.8.2021. godine na web stranici Ministarstva za odgoj i obrazovanje, a koje su prošle proceduru odabira koju je provelo Ministarstvo za odgoj i obrazovanje Kantona Sarajeva.


Dana 06.9.2021. godine, Ministarstvo je objavilo ponovni Javni poziv za prijavu privatnih predškolskih ustanova za prijem djece sa Liste čekanja JU „Djeca Sarajeva“, broj: 02-01-490/21.

Dana 13.9.2021. godine, Ministarstvo je objavilo ponovni Javni poziv roditeljima za prijavu za subvencioniranje boravka djece predškolskog uzrasta u privatnim predškolskim ustanovama u Kantonu Sarajevo za školsku 2021/22. godinu. Pravo prijave na poziv imali su roditelji/staratelji djece predškolskog uzrasta od šest mjeseci do polaska u školu koja se nalaze na Listi čekanja JU „Djeca Sarajeva“, broj 02-01-494/21 od 05.8.2021. godine i djece predškolskog uzrasta od šest mjeseci do polaska u školu čiji boravak u privatnim predškolskim ustanovama je subvencionirala Vlada Kantona Sarajeva u školskoj 2019/20. i 2020/21. godini.

Ministarstvo će po okončanju javnih poziva imati sve informacije vezano za Vaš upit.

U vezi sa Vašom inicijativom o prijavi za upis putem online formulara, ovim putem Vas informišemo da Ministarstvo ima u pripremi projektni zadatak za izradu modula za predškolske ustanove u informacionom sistemu EMIS. Na osnovu projekta u Budžetu za 2022. godinu predložiti ćemo sredstva za izradu softvera.

S poštovanjem,



NAIDA HOTA-MUMINOVIĆ

Dostaviti:

1. Naslovu;
2. A/a



web: <http://mon.ks.gov.ba>
e-mail: mon@mon.ks.gov.ba;
Tel: + 387 (0) 33 562-128,
Fax: + 387 (0) 33 562-218
Sarajevo, Reisa Džemaludina Čauševića 1

